

■ FORUM ELECTORAL – ELECZIUNS DAL CUSSEGL NAZIUNAL

Consequenta ed orientada a soluziuns

La Partida burgais-democratica dal Grischun sa preschenta

La via bilaterala

L'economia publica da la Svizra è ina veritabla economia publica d'export. Mintga segunda piazza da lavur e mintga segund franc da nossas entradas naziunalas deriva da rauba e da servetschs che vegnan vendids a l'exteriur. Igl è damai vaira impurtant dad avair relaziuns regladas e fidadas cun noss partenaris a l'exteriur. La via bilaterala cun l'UE e relaziuns regladas cun ulteriurs stadis



partenaris impurtants èn la clav per questas relaziuns. La via bilaterala na dastga betg vegnir periclitada, mo perquai ch'ins maschaida en la dumonda

dals esters la tematica d'asil engrevgiada emozionalmain cun l'immigraziun da spezialistas e spezialists.

En il sector d'asil stat la pbd per inapplicaziun consequenta da las leshas vertentas, per la refusa da dumondas nungiustificadas, per andaments rigurus da la procedura e per inexecuziun speditiva.

Il basegn da personal qualifitgà da l'economia e la demografia da la populaziun svizra han per consequenza che nus essan dependents er en l'avegnir d'ina tscherta immigraziun da forzas da lavur estras. En vista a l'iniziativa cunter l'immigraziun da massa èsi senza dubi prioritari da recrutar en emprima lingia personal indigen. Perquai s'engascha la pbd per che la cumpatibilitad da famiglia e professiun vegnia rinforzada era vinavant e che dunnas ed um-

ens hajan uschia las medemas schanzas sin il martgà da lavur.

Midada en il sector da l'energia

Il basegn d'energia da la Svizra vegn convert per var 66% dals materials dad arder fossils ieli e gas, per circa 24% da forza electrica e per 10% dad autras funtaunas d'energia. Las funtaunas d'energia fossilas sa chattan però per gronda part en pajais cun ina situaziun politica instabila, e novas ovras atomaras che remplazzassan ils implants d'ozendi e che fissan necessarias per la produziun da forza electrica n'èn sin plaun politic betg pli acceptablas per ina maiorità.

La pbd stat per ina midada burgaisa en il sector d'energia e sustegna la strategia d'energia da la confederaziun. Ella sustegna in abandon da l'energia nucleara regulà e supportabel per l'economia. En quest connex gioga la forza idraulica ina rolla centrala. Sia rentabilitad e sia contribuziun a la midada en il sector da l'energia na dastgan betg vegnir periclitadas cun meds da promozion en autras technologies da la produziun d'energia regenerabla che sfalsifitgeschan il martgà.

Ina da las raschuns per il consum d'energia fossila enorm aut e betg pli conform al temp èn ils numerus edificis d'ina tscherta immigraziun da forzas da lavur estras. Sanaziuns energeticas d'edifizis ed edificis novs da substituziun èn necessaris per render accessibel quest potenzial. Questas mesiras promovon la perscrutaziun ed innovaziun en il sector da las technologies d'energia e da construcziun. Per l'economia industrial signiftga la realisa-

ziun da la strategia d'energia 2050 ina vaira schanza per crear e garantir a lunga vista plazzas da lavur.

In Grischun autodeterminà

Il chantun Grischun cun sias cuntradas magnificas sa chatta a l'ur dal sidost da la Svizra ed amez las Alps. El porscha a sias abitantas ed a ses abitants cundiuziuns da viver e da lavurar attractivas ed ina qualitad da viver ordvart auta. La pbd s'engascha per che las resursas preschentadas dal chantun vegnian tratgas a niz per pussibilitar a la populaziun entradas economicas. La premissa per pudair far quai è ina buna colliaziun da tren e d'auto cun ils centers en Svizra ed a l'exteriur. Nus refusain la tendenza rinforzada che deriva dals centers urbans da vulair metter il territori alpin sut protecziun!

La pbd pretenda in'indemnisaziun commensurada da las prestaziuns dal Grischun en favur da la Svizra. Tenor nus fan part da questas prestaziuns, ultra da l'utilisaziun da l'aua, era la tgira da nossa cuntrada cun in'agricultura da muntogna che producescha e ch'è cumpatibla cun la natira. Quella crescha las premissas per ina colonisaziun decentrala da noss chantun e per il mantegniment d'in spazi da viver e da recreaziun attractiv per la populaziun ed ils giasts. Il Grischun duai pudair decider ses agir a moda uschè autonoma sco pussaivel. La pbd stat per ina politica da la planisaziun dal territori, da la furmaziun e da la sanadad che s'orientescha als basegns. In'conomia prosperanta è la premissa per pudair finanziair las sfidas da nossa societad.



Candidatas e candidats da la Partida burgais-democratica dal Grischun: da san. Andreas Felix, Elisabeth Mani-Heldstab, Daniel Buchli, Duri Campell ed Urs Hardegger.